



შირაკი

SHIRAKI

გაგორის 1937 წლიდან
დედოფლისწყაროს მუნიციპალიტეტის გაზეთი

№ 42 (10.147)

16-23 ნოემბერი 2024 წელი

ჟასი: 60 თეთრი

ყოველკვირეული გამოცემა

ზეთისხილის სანარმოს მუშაობა დაიწყო

ტარიბანაში გაუდაბნოების პირას მყოფი ველის ნალკოტად ქვევის ჩანაფიქრი ბიზნესმენმა გიორგი სვანიძემ რამდენიმე წლის წინ პატრიარქის კურთხევით განახორციელა. საქმე იმდენად კარგად წავიდა, რომ ბაღის გაშენების შემდეგ გადამამუშავებელი ქარხნის აშენება გახდა საჭირო. წარმოების გაზრდის მიზნით, კომპანია „ქართული ზეთისხილი“ დედოფლისწყაროში ახალი სანარმო მშენებლობას იწყებს. სანარმო ბაზარზე ზეთის ხილის ზეთსა და მარინადს გამოუშვებს. დედოფლისწყაროში 1500 ჰექტარზე ზეთის ხილის ბაღი გაშენებული, სადაც წელს 400 ტონამდე მოსავალს ელიან. ამ კულტურას ქვეყანაში გაშენებული ფართობის ნახევარი სწორედ დედოფლისწყაროში უჭირავს და მხოლოდ ტარიბანაში მილიონზე მეტი ძირი ზეთისხილია დარგული. თანამედროვე ტიპის სანარმო უკვე მოქმედებს სიღნაღში.

ბი სვანიძე ცერემონიაზე აღნიშნა, სახელმწიფო პროგრამების მხარდაჭერით ზეთისხილის ბაღი გააშენა, სადაც მილიონი ხე დარგო. ბაღის მიმდებარე ტერიტორიასთან ახალი სანარმოს მშენებლობა 9 თვეში დასრულდება.

სანარმო იქნება ერთ-ერთი ყველაზე დიდი, ამავდროულად, თანამედროვე ტექნოლოგიებით აღჭურვილი, სადაც შესაძლებელი იქნება საქართველოში მოყვანილი ზეთისხილის მოსავლის სრული გადამამუშავება, რაც ხელს შეუწყობს ამ კულტურის კიდევ უფრო განვითარებას ქვეყანაში; შეიქმნება დამატებითი 250-მდე სამუშაო ადგილი და უმეტესად ადგილობრივი მოსახლეობა დასაქმდება.

„გვარაუდობთ, რომ ჩვენს მიერ ჩამოტანილი ბოლო მოდელის ტექნიკა შესაძლებლობას მოგვცემს ახლადშენებულმა სანარმომ დღეში 250 ტონა მოსავალი გადაამუშაოს. ამით იმის თქმა მიხდა, რომ დედოფლისწყაროს სანარმო სიმძლავრით 20-ჯერ უფრო მძლავრი იქნება, ვიდრე ჩვენი პირველი ქარხანა. ყველა ნერგი და სანარმოს ყველა დეტალი სახელმწიფოსა და სოფლის მეურნეობის



კლიმატმა და ქართულმა მიწამაც ხელი შეგვიწყო და ეს ყველაფერი 10 წელში შევქელით. მე ასევე ვარ პატრიარქის ფონდი „გაამწვანე საქართველო“-ს თავმჯდომარე და უწმინდესი მუდმივად მთხოვდა, რომ ზეთის ხილის მოშენებაზე მეფიქრა.“ — აღნიშნავს გიორგი სვანი-

დის საერთაშორისო ბაზრებზე, წარმატებით ხორციელდება ქართული ზეთისხილის და ზეთის ექსპორტი სხვადასხვა ქვეყნებში, ხოლო ჩვენი მწარმოებლები ცდილობენ ამ ბაზრების ზრდას. ამას გარდა, დედოფლისწყაროსთვისაც მნიშვნელოვანია ამ მასშტაბის სანარმოს მშენებლობა, რადგან ძირითადად ადგილობრივების დასაქმებაზე იქნებიან ორიენტირებული და ჩვენს მუნიციპალიტეტს კიდევ ერთი ობიექტი შეემატება.“ — ამბობს დედოფლისწყაროს მერი ნიკოლოზ ჯანიაშვილი.

მიმდინარე წელს დედოფლისწყაროში სვანიძის ზეთისხილის ბაღები კიდევ უფრო გაფართოვდა. რამდენიმე ასეულ ჰექტარზე ახალი ნერგები გაშენდა. როგორც კომპანიაში ამბობენ, დასარგავად ინოვაციური მეთოდი გამოიყენეს და დამრგველი ტექნიკით გააშენეს, რაც საქართველოში პირვე-



გარემოს დაცვისა და სოფლის მეურნეობის მინისტრმა ოთარ შამუგიაშვილმა, ზეთისხილის ახალი სანარმოს მშენებლობის დაწყებასთან დაკავშირებით, სიმბოლური კაფესულა კომპანიის „ქართული ზეთისხილი“ ხელმძღვანელ გიორგი სვანიძესთან ერთად ჩაუშვა. სანარმოს ტერიტორიაზე გამართულ ღონისძიებას ადგილობრივი ხელისუფლების წარმომადგენლები ესწრებოდნენ. პრეზენტაციაზე ითქვა, რომ სანარმოში იგეგმება უმაღლესი ხარისხის Extra Virgin ზეთისხილის ზეთისა და მარინადის წარმოება, რომელიც მოამარაგებს როგორც ადგილობრივ, ასევე საექსპორტო ბაზრებს.

„სახელმწიფოს მხარდაჭერით, პროგრამის „დანერგე მომავალი“ ფარგლებში, ქვეყნის მასშტაბით, 3000 ჰა-ზე მეტ ფართობზე გაშენდა ზეთისხილის ბაღები. მათი დიდი ნაწილი სწორედ დედოფლისწყაროშია გაშენებული. ყოველ წელს ველოდებით მზარდ მოსავალს. მნიშვნელოვანია, რომ მოხდეს ამ პროდუქციის ადგილზე გადამამუშავება, რაც ქმნის დამატებით ღირებულებას. ასევე მნიშვნელოვანია პროდუქციის რეალიზაცია. ახალი სანარმო ამ პროცესს კიდევ უფრო მეტად შეუწყობს ხელს, დაასაქმებს მეტ ადამიანს და რეგიონში მეტ ფერმერს მოუტანს კეთილდღეობას“, — განაცხადა ოთარ შამუგიაშვილმა.

როგორც კომპანიის „ქართული ზეთისხილი“ ხელმძღვანელმა **გიორ-**

სამინისტროს ფინანსური დახმარებით შეიქმნა. რომ არ ყოფილიყო სახელმწიფო პროგრამები: „დანერგე მომავალი“ და „ანარმო საქართველოში“, ამას ვერ შევძლებდით. მსოფლიოში ზეთის ხილის მწარმოებელი 48 ქვეყანაა. ხელისუფლების დახმარებით ჩვენ ასევე გავხდით გაეროს ორგანიზაციის საბჭოს წევრი, რაც სხვა შესაძლებლობებსაც გვაძლევს. ის, რომ ზეთისხილი სასარგებლოა, ჩვენ ამის პოპულარიზაციაზე ვიზრუნებთ და აუცილებლად გავზრდით ხარისხს, რომ მსოფლიო მასშტაბით კონკურენტუნარიანი პროდუქცია გვქონდეს. ხარისხი გვაქვს ისეთი, რომ მსოფლიოში ქართული ზეთისხილი უკვე აღიარეს 5 საუკეთესოს შორის. ეს დიდი წარმატებაა, რადგან ესპანეთის, იტალიის, საბერძნეთის გვერდით დგას ქართული პროდუქცია.

ლად გამოიყენეს. საქართველო „ზეთისხილის საერთაშორისო საბჭოს“ (IOC) წევრი ქვეყანაა, გიორგი სვანიძე კი, ამ ასოციაციის ორგზის არჩეული პრეზიდენტი. ქარ-



ისე მისი ზეთი. ვითარება ძალიან მოკლე დროში შეიცვალა. ახლა კი როგორც სტატისტიკური მონაცემები აჩვენებს, ქართული წარმოება აკმაყოფილებს როგორც ქართულ ბაზარს, ასევე აქტიურად გა-

თულმა ზეთისხილის ზეთმა მსოფლიო ზეთისხილის რუკაზე 48 ზეთისხილის მწარმოებელ ქვეყნებს შორის საპატიო ადგილი დაიკავა. სვანიძის ზეთისხილის დამსახურებით, საქართველო გამოჩნდა ზეთისხილის მწარმოებელი ქვეყნების გლობალურ ასპარეზზე/რუკაზე.

საქართველოში მონეული ზეთისხილი გამორჩეულია ზეთისა და მარინადის მაღალი ხარისხით, ექსტრაქციის კოეფიციენტით და ორმაგი დანიშნულებით: ზეთის და მარინადის დასამზადებლად.

ილია მარტყოფლიშვილი

სად იგეგმება ჰესების აშენება კახეთში

პარლამენტის თავმჯდომარე შალვა პაპუაშვილი 10 ნოემბერს დედოფლისწყაროს სტუმრობდა, სადაც არასამუშაო დღე ვაშლოვანის ნაკრძალში გაატარა. ის უჩვეულო ლანდშაფტით იმდენად მოიხიბლა, დაწერა, რომ ვაშლოვანი ბუნების საოცრებაა და ეს ყველაფერი უნდა ნახოს. გაზეთ „შირაქის“ ინფორმაციით, პაპუაშვილი დაცულ ტერიტორიებს ოჯახთან ერთად არასაქმიანი ვიზიტით ესტუმრა და მის ფლორასა და ფაუნას ადგილზე გაეცნო. მას თან ახლდნენ კახეთის გუბერნატორი გიორგი ალადაშვილი, დედოფლისწყაროს დელეგატი პარლამენტში დავით სონდულაშვილი და დედოფლისწყაროს მერი ნიკოლოზ ჯანაშვილი.



დაშენებული ქურციკების ხელახლა აღდგენილი პოპულაცია. ბუნების საოცრება, რომელიც ყველამ უნდა ნახოს - დანერგა პაპუაშვილმა სოციალურ ქსელში და ვიზიტის ამსახველი ვიდეო გაავრცელა. ხელისუფლების წარმომადგენლებს მეგზურობას უწევდნენ ნაკრძალის რეინჯერთა სამსახურის უფროსი ვაჟა ჩერქეზიშვილი და ადგილობრივი ექსპერტი ამირან კოდიასვილი.

სახელმწიფო ელექტროსისტემაში გამოაქვეყნა იმ ჰესების ჩამონათვალი, რომელთა აშენებაც შეიძლება ათწლეულებში. ჯამში, სახელმწიფო 2034 წლისთვის საქართველოს ენერჯისტიკის სიმძლავრის გაორმაგებას გეგმავს. კერძოდ, გადამცემი ხაზების განვითარების ათწლიანი გეგმის მიხედვით, დადგენილი სიმძლავრე ათ წელში 10 336 მეგავატამდე უნდა გაიზარდოს. აქედან 7 ათას მეგავატზე მეტი ჰიდროსადგურები უნდა იყოს. 200-ზე მეტი ჰესის აშენება იგეგმება. 2025 წელს ექსპლუატაციაში გაეშვება 2 — სტორისა და ლოპოტას ჰესები.

- ლოპოტა 1 ჰესი - ექსპლუატაციაში გაშვების სავარაუდო თარიღი: 31.12.2025 წელი
- სადორი 3 ჰესი - ექსპლუატაციაში გაშვების სავარაუდო თარიღი: 31.12.2026 წელი
- პალო ჰესი - ექსპლუატაციაში გაშვების სავარაუდო თარიღი: 31.12.2027 წელი
- ილტო ალაზნის კასკადი - ექსპლუატაციაში გაშვების სავარაუდო თარიღი: 31.12.2029 წელი
- კაბალი 1 ჰესი - ექსპლუატაციაში გაშვების სავარაუდო თარიღი: 31.03.2029 წელი
- სტორი 3 ჰესი - ექსპლუატაციაში გაშვების სავარაუდო თარიღი: 31.12.2029 წელი
- ახლოსოფელი ჰესი - ექსპლუატაციაში გაშვების სავარაუდო თარიღი: 07.04.2030 წელი

ავტობუსებსა და მიკროავტობუსებში სიჩქარის შემზღუდავი მოწყობილობების დამონტაჟება საგადასახადო გაზდება

ავტობუსებსა და მიკროავტობუსებში, რომლებიც მგზავრთა გადაყვანას ახორციელებს, სიჩქარის შემზღუდავი მოწყობილობები დამონტაჟდება. „ბიზნესპრესნიუსთან“ ფონდ „პარტნიორობა საგზაო უსაფრთხოების“ დირექტორი ირაკლი იზორია აცხადებს, რომ რეგულაცია მიზნად ისახავს მგზავრთა უსაფრთხო გადაყვანას. მისი თქმით, გარდა სიჩქარის შემზღუდავებისა, აღნიშნული ტიპის მიკროავტობუსებსა და ავტობუსებში ტაქოგრაფებიც დამონტაჟდება. „წლებია არსებობს პრობლემა საქალაქთაშორისო მგზავრთა გადაყვანასთან დაკავშირებით, ძალიან ბევრი ავტოსაგზაო შემთხვევა ხდებოდა მიკროავტობუსების მონაწილეობით, შედარებით ნაკლები იყო ავტობუსების მონაწილეობით. გამომდინარე იქიდან, რომ ევროდირექტივები უნდა გაითვალისწინოს საქართველომ, არის სიჩქარესთან დაკავშირებით მთელი რიგი რეგულაციები, ერთ-ერთი არის სიჩქარის შემზღუდავი მოწყობილობის ქონა. ასევე, ვიცით, რომ ტაქოგრაფებიც უნდა ჰქონდეთ. ეს არის ე.წ. სისტემა, რომელიც ავტობუსებსა და მიკროავტობუსებში აყენია და პატრულს შეუძლია 30 დღის განმავლობაში ამოიღოს მონაცემები და ნახოს, სად გადააჭარბა მძღოლმა სიჩქარეს, დაისვენა თუ არ

დაისვენა და ა.შ. ეს სიჩქარის შემზღუდავი იქნება ტაქოგრაფთან ერთად,“ - აღნიშნავს იზორია. რაც შეეხება ვადებს, იზორიას თქმით, ტაქოგრაფებისა და სიჩქარის შემზღუდავი მოწყობილობების დაყენების ვალდებულება, 2025 წლიდან ავტოსადგურების რეგულაციების ამოქმედების პარალელურად განხორციელდება. „მისასალმებელია მსგავსი რეგულაცია, რადგან ყველგან არ არის ვიდეო კონტროლი და ყველგან ვერ ხდება მონიტორინგი, ზოგიერთი ადგილი, ფაქტობრივად, დაუფარავია პატრულის მიერაც და ასეთ გზებზე მხოლოდ კრიმინალური პოლიციის მიერ ხდება აღსრულება. აქედან გამომდინარე, აუცილებელია, რომ მსგავსი მოწყობილობები იყოს და კონტროლი ხორციელდებოდეს. რეგულაცია ვრცელდება ავტობუსებსა და მიკროავტობუსებზე, რომლებიც მგზავრთა გადაყვანას ახორციელებენ. რეგულაცია იმოქმედებს ნებისმიერ მანძილზე მოძრავი ტრანსპორტისთვის. რაც შეეხება ვადებს, წესით უკვე უნდა ამოქმედებულიყო, მაგრამ დროში იგვიანებს. წესით 2025 წლიდან ავტოსადგურების და სხვა რეგულაციები რომ შევა ძალაში, მაშინ მაინც ამოქმედდება,“ - განაცხადა ირაკლი იზორიამ.

მოქალაქეები მიწის ნაკვეთების უფასოდ რეგისტრაციას 2026 წლამდე შეიძლება

სასოფლო-სამეურნეო მიწის სისტემური და სპორადული რეგისტრაციის სახელმწიფო პროგრამის ვადა გახანგრძლივდა. ამის შესახებ იუსტიციის მინისტრის პირველი ნოემბრის ბრძანებამაია აღნიშნული. კერძოდ, უწყების გადაწყვეტილების პროგრამა დაგეგმილთან შედარებით ერთი წლით მეტხანს გაგრძელდება და მოქალაქეები მიწის რეგისტრაციას მომავალ წელსაც შეძლებენ. შეგახსენებთ, რომ სასოფლო-სამეურნეო მიწების უფასო რეგისტრაციის პროგრამის ფარგლებში, პროცესი 2025 წლის პირველ იან-

ვრამდე უნდა დასრულებულიყო. მიმდინარე წლის 1-ელი ნოემბრის დადგენილების თანახმად კი, სისტემური რეგისტრაცია 2026 წლის პირველ იანვრამდე გაგრძელდება. ცნობისთვის, საჯარო რეესტრის მონაცემების თანახმად, 2022-2024 წლებში სისტემური წესით 1.2 მილიონი ჰექტარი ფართობის მიწის ნაკვეთი დარეგისტრირდება. რეგისტრაცია მიმდინარეობს 59 მუნიციპალიტეტში და ხორციელდება საქართველოს ყველა კონტროლირებად ტერიტორიაზე, გარდა თბილისის, ბათუმის, ქუთაისის, რუსთავის და ფოთისა.

დაგესვლის მეექვსე შემთხვევა დედოფლისწყაროში

დაგესვლის კიდევ ერთი შემთხვევა დაფიქსირდა დედოფლისწყაროს მუნიციპალიტეტში. გასულ კვირას სოფელ ფიროსმანში გველმა 60 წლამდე კაცი დაკბინა. დედოფლისწყაროს საზოგადოებრივი ჯანდაცვის ცენტრში გაზეთ „შირაქს“ ეუბნებიან, რომ მიმდინარე წელს ეს დაგესვლის მეექვსე შემთხვევაა. დაკბენილს აღმოუჩინეს დახმარება და ამ დროისთვის თავს კარგად გრძნობს. „როგორც სოფელში ამბობენ, საქონელს მწყემსავდა და ამ დროს ქვეწარმავალმა დაკბინა, დროულად მიხედეს და ახლა მამაკაცი კარგადაა,“ - აცხადებენ სოფელ ფიროსმანში. დედოფლისწყაროს საზოგადოებრივი ჯანდაცვის ცენტრის დირექტორი მარიეტა გონაშვილი ამბობს, რომ ნოემბრის თვეში ადამიანის დაგესვლის შემთხვევები აქამდე არ დაფიქსირებულა და ეს პირველი შემთხვევაა. მათი განმარტებით, დედოფლისწყაროში გველის შხამის საწინააღმდეგო ვაქცინა რამდენიმე ობიექტზე ვადების დაცვით ინახება. „დაგესვლის შემთხვევები ძირითადად ზაფხულის ცხელ დღეებში ფიქსირდება ხოლმე, წინა წლებში შემოდგომის ბოლო თვეში გველის ნაკბენის

შემთხვევა არასოდეს გვექონია. ამჯერად კი ნოემბრის პირველ ნახევარში გვექონდა ერთი შემთხვევა. დროულად მიაკითხა ექიმს, პაციენტი ნახა ქირურგმა და გაუნია პირველადი სამედიცინო დახმარება. ნაკბენის მიხედვით დადგინდა, რომ ქვეწარმავალი არ უნდა ყოფილიყო გიურზა, ამდენად ქირურგის გადაწყვეტილებით, მას ვაქცინაცია არ ჩატარებია. სათანადოდ დაუმუშავდა ჭრილობა და მედიკოსების მეთვალყურეობის ქვეშ იმყოფებოდა“ - აღნიშნავს მარიეტა გონაშვილი. მიმდინარე წელს დაგესვლის 6 შემთხვევა აღირიცხა სოფლებში სამთაწყაროში, არხილოსკალოსა და ფიროსმანში. ადამიანის დაგესვლის ლეტალური შემთხვევები დედოფლისწყაროში 2011 წლის შემდეგ აღარ დაფიქსირებულა. 2011 წელს 3 წლის ბიჭი, ამილ გასანოვი გველის შხამის საწინააღმდეგო შრატის არარსებობას ემსხვერპლა, ხოლო 2010 წელს სოფელ ფიროსმანში 34 წლის ნარგიზ ხოზრევანიძე იმ მიზეზით გარდაიცვალა, რომ გველის შხამი პირდაპირ არტერიის მოხვდა, ორგანიზმში სწრაფად გავრცელდა და რეაგირება ვერ მოესწრო.

უკანონო ნადირობის 12 ფაქტი კახეთში, 2 დედოფლისწყაროში

გარემოს დაცვისა და სოფლის მეურნეობის სამინისტროს გარემოსდაცვითი ზედამხედველობის დეპარტამენტის თანამშრომლებმა, გადამფრენ ფრინველებზე ნადირობის სეზონის გახსნიდან ორ თვეში უკანონო ნადირობის 400 ფაქტი გამოავლინეს. კახეთის მასშტაბით მწყერის მონადირეების შემთხვევები დაფიქსირდა დედოფლისწყაროში, სადაც ასევე მოსაკრებლის გადახდის გარეშე ნადირობის ორი შემთხვევა აღრიცხული. უკანონო ნადირობის ყველაზე მეტი - 96 ფაქტი დაფიქსირდა სამეგრელო-ზემო სვანეთში. 91 სამართალდარღვევა გამოვლენილი იმერეთში, 58 - შიდა ქართლში, 46 - მცხეთა-მთიანეთში, 37 - ქვემო ქართლში, 35 - გურიაში, 12 - კახეთში, ასევე 12 - სამცხე-ჯავახეთში, 7 - აჭარაში, 2 კი - რაჭა-ლეჩხუმი-ქვემო სვანეთში. გამოვლენილი სამართალდარღვევებიდან 382 აკრძალული იარაღით ან მეთოდით ნადირობის ფაქტებია. 18 შემთხვევაში სამართალდამრღვევები გარემოდან გადამფრენი ფრინველების ამოღებაზე

დანესებული მოსაკრებლის გადახდის გარეშე ნადირობდნენ, აქედან ორი ასეთი შემთხვევა დედოფლისწყაროშია რეგისტრირებული, სადაც ბრაკონიერებმა უკანონოდ მოინადირეს ჯამში 27 ერთეული მწყერი. ნადირობის სეზონის დაწყებიდან 2 თვეში ამოღებულია 381 ერთეული ფრინველის მოსაზიდი ხელნაკეთი ხმოვანი სიგნალების გამოცემი ელექტრონული მოწყობილობა. გარემოსდაცვითი ზედამხედველობის დეპარტამენტის თანამშრომლებმა უკანონო ნადირობის 4 ფაქტი აღკვეთეს ქალაქ თბილისის ადმინისტრაციულ საზღვრებშიც. უკანონო ნადირობის ფაქტების გამოვლენისა და პრევენციის მიზნით, გარემოსდაცვითი ზედამხედველობის დეპარტამენტის თანამშრომლები, ნადირობის სეზონის განმავლობაში, საქართველოს მასშტაბით, 24-საათიან გაძლიერებულ კონტროლს ახორციელებენ. ამასთან, მყისიერი რეაგირება ტარდება გარემოს დაცვისა და სოფლის მეურნეობის სამინისტროს ცხელ ხაზზე 153 შესულ თითოეულ შეტყობინებაზე.

ქართული ღვინის წარდგენა იტალიაში

ღვინის ეროვნული სააგენტოსა და ასოციაციის „ქართული ღვინო“ მხარდაჭერით, ქართული ღვინის მწარმოებელი 20 კომპანია იტალიაში მერანოს ღვინის ფესტივალში მონაწილეობდა. მათ შორის იყო დედოფლისწყაროში მოქმედი ღვინის საწარმო „ბოსტოლანა“. ფესტივალის ფარგლებში ქართული ღვინის მასშტაბური დეგუსტაცია გაიმართა, სადაც წარმოდგენილი იყო სხვადასხვა დასახლების ღვინოები, მათ შორის, ქვევრის ღვინის და საფერავის საერთაშორისო კონკურსში გამარჯვებული ღვინოები.

ღვინის დამამუშავებელი და ადგილობრივი მწარმოებლები დაესწრნენ დეგუსტაციას იტალიელი სომელიე გუიდო ინვერნიცი უძღვებოდა.


„ძალიან ამაღლებელია ისეთი ღვინის დაგემოვნება, რომელსაც 8000-წლიანი დაყენების ისტორია აქვს. ქართული ღვინო მსოფლიოში უფრო და უფრო ცნობილი ხდება, რაც მის მაღალ ხარისხზე მიანიშნებს. საქართველოში გვხვდება ღვინის და-

ნის ფესტივალის მსოფლიო მასშტაბის ერთ-ერთი გამორჩეული ფესტივალია, რომელსაც ევროპის ღვინის მწარმოებლები და ექსპერტები ესწრებოდნენ.

როგორც ღვინის ეროვნულ სააგენტოში აცხადებენ, ქართული ღვინის პოპულარიზაცია ადრეულ ფესტივალზე ძალიან მნიშვნელოვანია, რადგან ის აჩვენებს, რომ ღვინის სამომავლოდ აღიარებული საქართველო, რომელსაც ღვინის წარმოების 8000-წლიანი ისტორია აქვს, დღესაც ღირსეულად ადგილს იკავებს მსოფლიო ბაზრებზე და მუდმივად ვითარდება.

აღსანიშნავია, რომ 2022 წელს, მერანოს ღვინის ფესტივალის ფარგლებში, ქართული ქვევრი, როგორც იუნესკოს არამატერიალური კულტურული

რეპრეზენტაცია მკაფიოდ დაადასტურა. შემფასებელი მეორე დღესაც გვეჩვენა და კარგი შეფასება მოგვცა. დააგემოვნა ჩვენი ქისიც და ასევე კარგად შეაფასა. ეს აღიარება ძალიან სასიამოვნო იყო ჩვენთვის. იტალიაში გამგზავრებისას ჩვენი ინტერესი იყო, რომ სამომავლოდ ექსპორტისთვის ჩვენი პოტენციური პარტნიორები გვეპოვნა როგორც იტალიაში, ისე ევროპის ქვეყნებში. შევხვდით რამდენიმე წარმატებულ დისტრიბუტორს, მოგვინიშნეს ღვინის ნიმუშები, გავცვალეთ საკონტაქტო მონაცემები და



რომ ევროპაში ბევრად განსხვავებული ღვინოა, ვიდრე ჩვენი წარმოებული და ჩვენი მიზანია ეს იყო, რომ ტრადიციული ქართული ღვინო უკეთესად გაეცნოთ.

ვენახები გვაქვს ტიბათის მიკროზონაში, ქუშბათს რომ ვუნოდებთ. ამ ეტაპზე 4 სახეობის ყურძენი გვაქვს: რქანთელი, საფერავი, ქისი და კახური მწვანე. არსებობს მცირე ხნის მანძილზე ჩვენმა ღვინოებმა უკვე დაიმსახურეს ჯილდოები: ქისი 2021- ოქროს მედალი ექსპო ჯორჯიაზე; საფერავი 2022 - IWSC ბრინჯაოს მედალი; რქანთელი 2022 - ბრინჯაო ექსპო ჯორჯიაზე.

უახლოეს გეგმებს რაც შეეხება, ნომბრის ბოლოს უკვე მეორედ გავდივართ ბრიტანულ კონკურსში IWSC, რომელიც საქართველოში ტარდება და გასულ წელსაც ვმონაწილეობდით. ასევე, მარტში ვგეგმავთ გერმანიაში გაეიტანოთ, სადაც მხოლოდ პროფესიონალები დაესწრებიან. (მერანოში ღვინის მომხმარებლებიც იყვნენ დაშვებული) აქამდე ჩვენ ყველა კონკურსი და ფესტივალი საქართველოში გვექონდა და იტალიაში პირველად გავვით, საკუთარი სახსრებით და ღვინის სააგენტოს ხელშეწყობით.

ილია მარტყოფლიშვილი

ყენების როგორც ტრადიციული, ისე თანამედროვე მეთოდები. ბოლოს, როდესაც საქართველოში ვიმყოფებოდი, დავაგემოვნე რაჭა-ლეჩხუმის ალექსანდროპოლის და მუჯურეთის ჯიშის ღვინოები. მე ახლაც მახსოვს მისი გემო, ვიმედოვნებ, რომ ამ ჯიშის ღვინოებს აქაც ვიპოვი, - აღნიშნა გუიდო ინვერნიციმ, რომელიც იტალიის სომელიეთა ასოციაციის წევრია.

მემკვიდრეობის ძეგლი, იტალიის ამ ერთ-ერთი უძველესი ქალაქის ცენტრში დაიდგა.

გაზეთი „შირაჟი“ დედოფლისწყაროს ღვინის კომპანია „ბოსტოლანას“ დამფუძნებელს სიმონ ბოსტოლანაშვილს ესაუბრა და მათი სამომავლო გეგმებითა და მიზნებით დაინტერესდა.

სიმონ ბოსტოლანაშვილი: „ერთი სივრცე მთლიანად ქართულ ღვინოს ეთმობოდა. ბევრი სტუმარი გვყავდა როგორც ჩვენ, ისე სხვა ქართულ მწარმოებლებს. ასევე იყო დეგუსტაცია, სადაც წარმოდგენილი იყვნენ პროფესიონალები. ნაღველი გვექონდა სამი სახის ღვინო. ამჯერად წარვადგინეთ 2022 წლის რქანთელი და საფერავი, ასევე 2021 წლის ქისი. საფერავმა დიდი მოწონება დაიმსახურა.“

გვექნება აქტიური კომუნიკაცია, რათა თანამშრომლობაში გადაიზარდოს. ყველაფერი კარგად ორგანიზებული იყო, კმაყოფილები დავბრუნდით. რა მიზანია გვექონდა დასახული, ვფიქრობ, მეტ-ნაკლებად მივალნიეთ. ამ ღვინის დამამუშავებლის პარალელურად გვერდით სივრცეში კულინარიული ფესტივალიც ტარდებოდა, ამის გამო უფრო დიდი ხალხმრავლობა იყო. იქ რომ იკვებებოდნენ, შემდეგ ღვინის განყოფილებაში გადმოდიოდნენ და აგემოვნებდნენ ქართულ ღვინოს, ამიტომ ძალიან პოპულარული გარემო იყო. ევროპის მასშტაბით წარმოებული ძალიან დიდი რაოდენობის ნიმუშები იყო წარმოდგენილი. ბევრი კარგი ღვინო იყო სხვადასხვა ქვეყნიდან, შესაძლებლობა მოგვეცა გავგვეცნო ერთმანეთი. უკვე ვიცით, ვის რა ტექნოლოგია და პროდუქცია აქვს. თუმცა, უნდა ითქვას,

მოსახლეობის საყოველთაო აღწერა დაიწყო

14 ნოემბერს ქვეყნის მასშტაბით მოსახლეობის და სასოფლო-სამეურნეო აღწერა დაიწყო, რომელიც ყოველ 10 წელიწადში ერთხელ ტარდება.

საქსტატის ინფორმაციით, მონაცემთა შეგროვების პროცესი 19 დეკემბრის ჩათვლით გაგრძელდება.

აღწერა ორ ეტაპად ჩატარდება: პირველ ეტაპზე, 14 ნოემბრიდან 23 ნოემბრის ჩათვლით პერიოდში, მონაცემები შეგროვდება თვითრეგისტრაციის მეთოდით (CAWI). თვითრეგისტრაციის დროს რესპონდენტები დამოუკიდებლად, ინტერვიუების გარეშე, კომპიუტერის/პლანშეტის/სმარტფონის მეშვეობით, სტანდარტული ინტერნეტ ბრაუზერის გამოყენებით, ელექტრონულად ავსებენ კითხვარებს მათთვის სასურველ დროსა და ადგილზე. აღნიშნული მეთოდი ხელსაყრელია იმ რესპონდენტებისთვის, რომელთაც არ სურთ ინტერვიუების სახლში სტუმრობა ან/და არ აქვთ საკმარისი დრო პირისპირ ინტერვიუსთვის. ელექტრონული კითხვარის შესავსებად მსურველებმა უნდა გაიარონ მარტივი რეგისტრაცია საქსტატის მიერ შექმნილ სპეციალურ ვებ-პლატფორმაზე, რომელიც განთავსებულია საქსტატის ვებ-გვერდზე <https://census2024.geostat.ge/ka>. ელექტრონული კითხვარის შევსების შემდეგ რესპონდენტები მიიღებენ სპეციალურ კოდს, რომელიც უნდა წარუდგინონ მათთან მისულ საქსტატის ინტერვიურს.

მეორე ეტაპზე, 29 ნოემბრიდან 19 დეკემბრის ჩათვლით პერიოდში, მონაცემები საქსტატის 12000-მდე ინტერვიუების მიერ, კარდაკარის პრინციპით, პლანშეტური კომპიუტერის გამოყენებით შეგროვდება. მოსახლეობის აღწერასთან ერთად, სასოფლო-სამეურნეო აღწერაც ჩატარდება. სოციალური და დემოგრაფიული სახის მონაცემებთან ერთად, სპეციალური კითხვარის მეშვეობით შეგროვდება ინფორმაცია ოჯახების სასოფლო-სამეურნეო აქტიუ-

რობის, ოჯახების სარგებლობაში არსებული მიწის სტრუქტურის, პირუტყვისა და ფრინველის სულადობის შესახებ, ასევე სხვა მნიშვნელოვანი ინფორმაცია მუნიციპალიტეტების, ტერიტორიული ერთეულების და სოფლების დონეზე.


საქსტატის განცხადებით, საქართველოს ყველა მოქალაქე, ასევე საქართველოს ტერიტორიაზე მცხოვრები ყველა უცხო ქვეყნის მოქალაქე (რომლებიც საქართველოში დარჩენას გეგმავენ 12 თვეზე მეტხანს) და მოქალაქეობის არ-

მქონე პირი (რომლებიც საქართველოში დარჩენას გეგმავენ 12 თვეზე მეტხანს) ვალდებულია გაიაროს აღწერა. აღწერის შედეგად მიღებული იქნება უახლესი ინფორმაცია მოსახლეობის რიცხოვნობის, მათი სქესობრივ-ასაკობრივი სტრუქტურის, დასაქმების, განათლების, ჯანმრთელობის მდგომარეობის, საარსებო წყაროებისა და საცხოვრისების შესახებ. ასევე, სასოფლო-სამეურნეო კომპონენტის მეშვეობით შეგროვდება მონაცემები შინამეურნეობების სასოფლო-სამეურნეო აქტივობის შესახებ.

დანახარჯებისა და ადამიანური რესურსების ოპტიმალურად გამოყენების მიზნით, მოსახლეობის აღწერასთან ერთად ჩატარდება სასოფლო-სამეურნეო აღწერაც. სოციალური და დემოგრაფიული სახის მონაცემებთან ერთად, სპეციალური კითხვარის მეშვეობით შეგროვდება ინფორმაცია შინამეურნეობების სასოფლო-სამეურნეო აქტიურობის შესახებ. კერძოდ, შეგროვდება მონაცემები შინამეურნეობების სარგებლობაში არსებული მიწის სტრუქტურის, პირუტყვისა და ფრინველის სულადობის შესახებ და სხვა მნიშვნელოვანი ინფორმაცია მუნიციპალიტეტების, ტერიტორიული ერთეულების და სოფლების დონეზე.

აღწერის წინასწარი შედეგები 2025 წლის ივნისში გამოქვეყნდება, ხოლო საბოლოო - 2026 წლის ივნისის თვეში.

census2024.geostat.ge



„ნუ მიატოვებ ლექსს უთვისტომოდ“

ვის რაში სჭირდება პოეზია დღეს? - ეს არის შეკითხვა, რომელსაც სწორედ ასეთი უხეში ფორმით ხშირად გაიგონებთ და არა მხოლოდ იმ ხალხისგან, ვისაც პოეზიის მნიშვნელობა უზარალოდ არ ეჩვენება, არამედ თვითონ პოეტებისგანაც კი, რომლებიც არცთუ იშვიათად საკუთარს ეძღვიან და საკუთარი უმნიშვნელობა თანხიანთ საქმეზე გულის აყრისაკენ უბიძგებთ.

„ფაქტია, რომ დღეს მთელ მსოფლიოში პოეზიას სულ უფრო ნაკლები ადამიანი ეტანება. ამ მოვლენას ბევრი მიზეზი აქვს და, რა თქმა უნდა, ყველაზე ნაკლები აქ სწორედ მატერიალური თუ მატერიალისტური მიზეზია: ის, რომ რასაც ფიზიკურად ვერ მოიხმარ, საინტერესოც აღარ არის. პოეზიით ვერ დანაყრდები, ვერ შეიმოსები, ვერ გათბები, ვერ გაგრილდები, ერთი სიტყვით, კომფორტს ვერ შეიქმნი, პირიქით: პოეზია მუდმივად ცდილობს გამოგათრიოს შენი შექმნილი კომფორტის ზონებიდან და სამყაროში საკუთარი ტრაგიკული დანიშნულების გაცნობიერებისაკენ მიგაბრუნოს.“

ეს კი, დამეთანხმებით, რთული და არცთუ სასიამოვნო პროცესია.

აღნიშნული მიზეზი სასაცილოდ არ ეყოფა დღევანდელ ობივტელს, რომლისთვისაც პოეზია, დიდი-დიდი, სუფრის სადღეგრძელოს სამშვენიისი შეიძლება იყოს, პათეტიკური თუ ურაპატრიოტული სიტყვების რახარუხი, რომლითაც, სინამდვილეში, სულიერი სიცარიელე გველპარაკება.

მეორე მხრივ, სწორედ ამ მომხმარებელურმა დამოკიდებულებებმა ადამიანის ეგოისტური მისწრაფებები უკიდურესად გაამძაფრა და ამით თითოეული ჩვენგანი ისეთ მარტოობაში გამოგვკეტა, რომ ამ ტრაგიზმის გადმოსაცემად ნებისმიერი ხმოვანი შეტყობინება უძლეური აღმოჩნდა და პოეზია ახალი ფორმებისა და საშუალებების, სრულიად განსხვავებული გამომსახველობითი ენის მოძიების აუცილებლობის წინაშე დააყენა.

შესაბამისად, რადიკალურად შეიცვალა თვითონ პოეტის დანიშნულების გაგებაც საზოგადოებაში. შუა საუკუნეების საქართველო-

ში პოეზიის დანიშნულების გაგებაში ყველაზე უკეთ ალბათ ისევ რუსთველის შესაბამისი სტრიქონები დაგვეხმარება, თუკი ამ სტრიქონებს სწორად და იმ ეპოქისათვის დამახასიათებელი გააზრებებით წავიკითხავთ.

„ვეფხისტყაოსნის“ პროლოგი ხომ სრულიად მკაფიოდ გვეუბნება, რომ შაირობა (ანუ პოეზია) „პირველადე სიბრძნისაა ერთი დარგი, საღმრთო, საღმრთოდ გასაგონი, მსმენელთათვის დიდი მარგი. კვლა აქაცა ეამების, ვინცა იყოს კაცი ვარგი, გრძელი სიტყვა მოკლედ ითქმის შაირია ამად კარგი“.

აღნიშნულ მონაკვეთში მთავარი, საკვანძო სიტყვაა სიბრძნე, რომელიც, რასაკვირველია, აქ უპირველესად, ღვთაებრივ, ტრანსცენდენტულ სიბრძნეს გულისხმობს, სიბრძნეს, რომელიც ღვთის ბუნების შეცნობაში გვეხმარება. ღვთის ბუნების შეცნობა კი იმქვეყნიური ცხოვრების საგზალია, ის, რისი ნაყოფიც



ადამიანს იმსოფლად უნდა შეეწიოს. ამიტომაც დასძენს აქვე რუსთველი „კვლა აქაცა ეამების, ვინცა ისმენს კაცი ვარგი“. ანუ, პოეზიის ნაყოფი კი არის საიმსოფლიო, მაგრამ აქაც, ამქვეყნიურ ცხოვრებაშიც მოუტანს სარგებელს იმ ვარგ ადამიანს, ვინც მას აქვე, წუთისოფელშივე, სწორად გაიგებს“-წერს პოეტი და მთარგმნელი გიორგი ლობჯინიძე.

მართლაც, მატერიალისტურ სამყაროში ძნელია, ისაუბრო მაღალ



იდეალებზე, როცა ირგვლივ ამდენი პრობლემაა და პოეზია სულის საზრდოდაც აღარ ითვლება. ფასეულობათა ნიველირებამ პოეზიასაც

კაჭკაჭაშვილი. (საპატიო მიზეზით ღონისძიებას არ უსწრავლობდა პოეტი ზიგო ბურღული).

ამ დღეს გაიმართა ანი კიკილაშვილის პოეტური კრებულის „შენ გამო იყო“ პრეზენტაცია.

პოეტები დამსწრეთა წინაშე წარსდგნენ საკუთარი ლექსებით.

სალამოზე გაიხსენეს რამდენიმე დღის წინ გარდაცვლილი პოეტი ჯუმბერ უთრუთაშვილი და ნუთიერი დუმილით პატივი მიაგეს მისი და სხვა გარდაცვლილი პოეტების - ლევან ალავერდაშვილის და თემურ ჩალაბაშვილის ხსოვნას.

პოეტებს მიესალმნენ და მადლობა გადაუხადეს ულამაზესი ღონისძიებისთვის მუნიციპალიტეტის საკრებულოს წევრმა მიხეილ ბახუტაშვილმა, მერიის თანამშრომელმა ანა ბენაშვილმა, საგანმანათლებლო რესურსცენტრის ხელმძღვანელმა მაკა ჯანაშვილმა, გაზეთ „შირაქის“ დირექტორმა ინგა შიოლაშვილმა, პოეტებმა - გიორგი ნატროშვილმა და თამაზ ნიკლაურმა, დედა სერაფიმამ, განათლების მუშაკთა პროფკავშირის თავმჯდომარემ მაცყვალა მადარაშვილმა, სამხედრო განვებისა და რეკრუტირების განყოფილების სპეციალისტმა მაია პოპიაშვილმა.

დასასრულს ა. (ა). ი. პ. კულტურის, სპორტისა და ახალგაზრდობის ცენტრის დირექტორმა მადლობა გადაუხადა ბიბლიოთეკის თანამშრომლებს ლამაზი და საინტერესო ღონისძიების ორგანიზებისათვის და პოეტ ქალბატონებს გადასცა სიგელები - ქართული პოეზიის სიყვარულისა და პოპულარიზაციის საქმეში შეტანილი წვლილისთვის.

ამ დღეს პოეზიის სიყვარულმა სხვადასხვა პროფესიის ქალი გააერთიანა. პოეზიის უპირატესობა სომ სწორედ სათქმელისა და სიტყვების ორიგინალური შეთანხმებაა. ღირებულ პოეზიაში მკითხველი ხვდება, რომ პოეტი განსაკუთრებული სიზაქიზით არჩევს სიტყვებს და, რაც მთავარია, ის ასოციაციების ნაპაღი, რაც ამ კიბას მოაქვს, აღმამელისთვის გუნებრივი და გულრფხვია.

ინგა შიოლაშვილი



ცხოვრება ხელოვნებაში

თბილისის ოპერისა და ბალეტის სახელმწიფო თეატრის ბალეტი, ღია ცის ქვეშ, 9 ნოემბერს გაიხარტა ყველაზე საყვარელი მუსიკოლოგის, საქართველოს მასშტაბით გამორჩეული საკუთის ლეონის, თბილისის საპატიო მოქალაქის მანანა ახაბავაძის ნიგნის „ცხოვრება ხელოვნებაში“ წარდგინება, რომელიც მიძღვნია საქართველოს ილია ჭავჭავაძის სახელობის მნიშვნელოვან ასოციაციის დაარსებიდან 50 წლისთავის იუბილს.

პროექტის ავტორი გახლდათ დედოფლისწყაროს მნიშვნელოვან რაიონული ორგანიზაცია. (საპატიო თავმჯდომარე ვანო ნატროშვილი, თანათავმჯდომარე ნანა ჭიჭინაძე)

მე-17 საუკუნის დიდი ინგლისელი ფილოსოფოს-მატერიალისტი, ფრანსის ბეკონი წერდა: „არის ისეთი წიგნები, რომლებსაც მხოლოდ გემო უნდა გაუსინჯო, ისეთე-

ბიც არის, რომლებიც უმჯობესია გადაყლაპო, მხოლოდ მცირეა ისეთი, რომელთა დალეჭვა და მონელება მართლაც ღირს“. სწორედ ამ უკანასკნელთა რიცხვს განეკუთვნება ქალბატონ მანანას ნიგნი „ცხოვრება ხელოვნებაში“, რომელიც უძღვნა თავისი მშობლების ნათელ ხსოვნას. იგი საკმაოდ დიდი ფორმატია და შეიცავს 432 გვერდს!

ნიგნი გამოიცა საქართველოს კულტურის, ძეგლთა დაცვისა და სპორტის სამინისტროს ფინანსური მხარდაჭერით.

ნიგნი ვრცლად მიმოიხილეს ნანა ჭიჭინაძემ და მუსიკოსმა თამილა ნადირაშვილმა. დამსწრე საზოგადოება სულგანაბული უსმენდა თავად ავტორს მანანა ახაბავაძეს, რომელთა უმრავლესობას მნიშვნელოვან ასოციაციის წევრები და ოპერის წამყვანი სოლისტები წარმოადგენდნენ.

ნიგნის წარდგინება ოვაციებით დასრულდა.

მარიკა პოპიაშვილი

ლაშა ბექაურთან შეხვედრა მუშაკთა სკოლაში

არხილოსკალის საჯარო სკოლას განსაკუთრებული სტუმრები ეწვივნენ. საქართველოს ფეხბურთის ფედერაციის პროგრამა „ლია სახალისო ფეხბურთის“ ხელმძღვანელი მამუკა კვარაცხელია და ამავე სკოლის კურსდამთავრებული, ორგზის ოლიმპიური ჩემპიონი ძიუდოში, ლაშა ბექაური. მათ მოსწავლეებს სამახსოვრო საჩუქრები გადასცეს და სკოლის ეზოში სახალისო სპორტული თამაშები გამართეს.

ლის ადამიანია. არ თამაშობს, ძალიან გულწრფელია, როცა სიტბოს და სიყვარულს გამოხატავს. ეს მისი ბუნებრივი რეაქციაა და ბავშვებიდან ასეთი იყო. ჩვენს ხელში გაიზარდა და კარგად ვიცნობთ მის ბუნებას. ასეთი ლაშა გვახსოვს მცირე ასაკიდან და არ შეცვლილა, ახლაც ასეთია... გვიხარია, რომ ამხელა წარმატებებმა მასზე უარყოფითად არ იმოქმედა, არ შეცვალა და „ვარსკვლავურად არ დაავადდა“... ალბათ ასევე



ბევრჯერ გაგვახარა. მას შემდეგ ცხადია პანდემიამ და ჩაკეტილობამ ხელი შეგვეშალა მისი ოლიმპიური ჩემპიონობაც სათანადოდ გვეზიოდა და სკოლაში მოგვეწვია. ამიტომ, რადგან პირველი ოლიმპიური ოქროს მოპოვება საყოველთაო იზოლაციას დაემთხვა და მაშინ არც სასწავლო პროცესი იყო სრულყოფილი, შეზღუდული იყო ღონისძიებებიც, მაშინ ჩვენი ეს სურვილი ვერ განვახორციელეთ. გასულ წელსაც ბევრჯერ დავგეგმეთ შეხვედრა, მაგრამ ლაშას გადატვირთული რეჟიმის გამო ვერ ჩავნიშნეთ. ხან ტრავმები ჰქონდა, ხან ვარჯიშები და ჩამოსვლას ვერ ახერხებდა. ამჯერად მოხერხდა მისი ჩამოსვლა და ძალიან გაგვახარა. ლაშას ძალიან ვუყვარვართ, როცა სკოლაში ჩამოდის, აუცილებლად გვინახვობს, ყოველთვის ნახვლობს ბავშვებს, შემოესვვიან და ეხვევიან ხოლმე. ეს ჩვენთვისაც ძალიან დიდი მოტივაციაა. ყველა უნდა, რომ ლაშასავით დიდი ჩემპიონი და პოპულარული გახდეს. მისი ახალი დარბაზიც დიდი სიხარულია მთელი ჩვენი ზონისთვის. მასწავლებლებსაც დიდი სიხარული და სიყვარული გვაქვს ლაშას მიმართ, ძალიან გვიყვარს და ისიც ყოველთვის სიტბოთი და სიყვარულით გვპასუხობს. რა თქმა უნდა, ჩვენ ვამაყობთ ჩვენი კურსდამთავრებული ჩემპიონით. ცხადია ეს ბოლო შეხვედრა არ იქნება და სამომავლოდ სხვა ფორმატის შეხვედრებიც ხშირად გვექნება. ასეთი გეგმები ნამდვილად გვაქვს და მთავარია, მოგვიხერხდეს და შევძლოთ განხორციელება“.

ილია მარტყოფლიშვილი

სკოლაში ყრიაშული და სიხარული იგრძნობოდა. მოსწავლეები დიდი ალტაცებით მონაწილეობდნენ სხვადასხვა სახალისო სტარტებში, სტუმრები კი თავიანთი გულწრფელი ღიმილითა და სიტბოთი კიდევ უფრო განსაკუთრებულს ხდიდნენ ამ დღეს. შეხვედრამ ყველას გულში დაუტოვა დაუფინყარი ემოციები და შთაბეჭდილებები. სკოლის დირექცია მადლობას უხდის საპატიო სტუმრებს და მომავალშიც სიხარულით ელოდება მსგავსი მომენტების გაზიარებას, რომლებიც ჩვენი მოსწავლეებისათვის მისაბაძ მაგალითებს შექმნიან.

მაია სიმონიძე (არხილოსკალის საჯარო სკოლის დირექტორი): „ერთი შეხვედრა ლაშასთან მაშინ გავმართეთ, როცა გრან-სლემი მოიგო და წარმატებას მიაღწია. მწვრთნელთან, კახა ნიკლაურთან ერთად გვყავდა მონაწილე, ეს პანდემიამდე მოხდა. ზემო ქედის №2 საჯარო სკოლის პედაგოგები და მოსწავლეებიც ესწრებოდნენ ამ შეხვედრას. ძალიან თბილი შეხვედრა იყო, ბევრი ჩახუტება და თბილი სიტყვები გავეცით. მაშინვე გვექონდა განცდა, რომ ისტორიულ ფოტოებს ვიღებდით და მისი წარმატებები კიდევ უფრო გაგრძელდებოდა. ის ძალიან მშრომელი, მიზანდასახული და მეტოქე სულის ადამიანია და დარწმუნებული ვიყავით მის წინსვლაში. ვერ წარმოიდგენთ, როგორი თბილი გუ-



გაგრძელდება... მაშინვე ვიცოდით, რომ ლაშა ამას არ დასჯერდებოდა და ოლიმპიურ მწვერვალზე დაიპყრობდა და საბედნიეროდ, ასეც მოხდა, გამართლდა ჩვენი მოლოდინები და კიდევ



სელმარჯვითა გამოფენა ბათუმში

9-11 ნოემბერს ბათუმში, სამხატვრო სკოლაში ჩატარდა „საქართველოს მქარგველები და სელმარჯვების“ ასოციაციის ორგანიზებული გამოფენა, სადაც 25 ავტორის ხელით შექმნილი ნამუშევარი იყო წარმოდგენილი. მასში მონაწილეობდა დედოფლისწყაროელი ხელოვანი ლია მაისურაძე, რომელმაც რამდენიმე ნამუშევარი აჭარულ დამთავლიერებელსაც წარუდგინა.

როგორც ლია მაისურაძემ გაზეთ „შირაქს“ განუცხადა, შავი ზღვა მისი დაბადების ადგილია, ხოლო ამჟამინდელი საცხოვრებელი შვედეთშია, დედოფლისწყაროშია. ამდენად, გამოფენაზე გაიტანა შავი ზღვის პირას მდებარე მისი გუდაუთის სახლის ამსახველი ნაქარგი და ასევე ელიას მთა დედოფლისწყაროდან.

ლია მაისურაძე: „დედოფლისწყაროში საქართველოს სადღეგრძელოს ასე სვამენ: შავი ზღვიდან შავ მთამდე ჩვენს ქვეყანას გაუმარჯოსო. მეც მინდოდა შავი ზღვიდან შავ მთამდე საქართველო წარმოემდგინა და ეს ნამუშევრები ზღვისპირეთში წავიღე. ბავშვობა ზღვისპირა სანაპიროზე მაქვს გატარებული, ამდენად ჩემთვის ძალიან მნიშვნელოვანი იყო აჭარაში

სტუმრობა. სხვა ემოციებს აღძრავს ჩემში ზღვის სანაპირო და მისი სურნელი. ამიტომ კიდევ ერთხელ დავიმუხტე ამ ემოციებით. აფხაზეთის მონატრების გამო ეს ყველაფერი ჩემთვის ძალიან ნოსტალგიური და ამაღლებელია. კმაყოფილი დავბრუნდი, ბევრს მოეწონა ჩემი ნამუშევრები. გამოფენა-გაყიდვა იყო, მაგრამ მე არ ვყიდი ნამუშევრებს. კიდევ ერთხელ დამარწმუნეს, რომ რაღაც სხვანაირს ვაკეთებ. მქარგველებიც აღიარებდნენ ჩემს ნამუშევარს, როგორც რაღაც სხვანაირს და ახალს. მასტერკლასებზე ჩავატარე. ზოგადად, ამ გამოფენამ დამარწმუნა, რომ ქარგვა უნდა გავხადო ჩემი ძირითადი სპეციალობა და აუცილებლად გავაგრძელო.

საერთოდ, თავდაპირველად ქარგვა ჩემთვის დავინწყე, არ მიფიქრია ნამუშევრების ფართო საზოგადოების წინაშე გატანა. მაგრამ ჩემი მეგობრების თხოვნით გავბედე და გამოფინე. შემდეგ იმხელა ინტერესი წამოვიდა, რომ უკვე ბევრ გამოფენაში მი-



ვიღე მონაწილეობა. ეს ჩემთვის პატივია და მადლობელი ვარ ამ ინტერესისა და მხარდაჭერისთვის, ყურადღებისთვის, რომელსაც მუდმივად ვგრძნობ.“

ილია მარტყოფლიშვილი

განათავსეთ გაზეთ „შირაქის“ ფურცლებზე თქვენი **განცხადება, მილოცვა, საპიკარი, ნაკროლოგი, გადღიარება ტექსტი უსურათოდ – 5 ლარი, სურათით – 10 ლარი**

ვაკანსია!
შპს „ჯოს რითეილ“-ი აცხადებს ვაკანსიას სოფელ სამრეკლოში მდებარე ბენზინგასამართ სადგურში ჩამსხმელოპერატორის პოზიციაზე. დეტალებისთვის დარეკეთ: **ტელ: 595 42 40 10**

იყიდება!
იყიდება დედოფლისწყაროში კერძო ავტოს სახლი 170 მეტრკვადრატით, ბელეტაჟზე. მეტალოკრამიტის გადახურვით, მეტალოპლასტმასის ფანჯრებით. სამზარეულო, აბაზანა-ტუალეტი შიგნით და კაფელ-მეტლახით გაკეთებული, ქერზე „გიფსოკარდონებით“, გათბობით, ცივი და ცხელი წყლით. ყველაფერი ახალი გარემონტებული. ეზო 800 მეტრკვადრატით ხეხილით, რკინის კარით. ფასი 34 700\$ ტელ: 595 32 47 61

ა მ ი ნ დ ი		დ ე დ ო ფ ლ ი ს წ ყ ა რ ო	
ორშაბათი 18.11 დღე	სამშაბათი 19.11 ღამე	ოთხშაბათი 20.11 დღე	სუთშაბათი 21.11 ღამე
12°	1°	14°	1°
14°	2°	13°	2°
14°	3°	14°	3°
14°	3°	13°	1°

გამომცემელი შპს „შირაქი“
დირექტორი **ინგა შიოლაშვილი**
რედაქტორი **ილია მარტყოფლიშვილი**
წერილში მოყვანილ ფაქტებსა და ციფრებზე პასუხს ავებს ავტორი.

სარედაქციო კოლეგია: შუშუნა ყანაშვილი, ელზა ხარაშვილი (ჟურნალისტები);
სათუნა ბენაშვილი (კორექტორი); ნათელა ბოსტაშვილი (ბუღალტერი);
ნიანი ჯანაშვილი (ოფის-მენეჯერი); მზია ქინძაძე (საქმის მწარმოებელი).

გაზეთი აიწყო და დაკაბადონდა „შირაქის“ კომპიუტერულ ბაზაზე.
ყოველკვირეული გამოცემა იბეჭდება შპს „გამომცემლობა სამშობლოს“ სტამბაში.

რედაქციის მისამართი: ქალაქი დედოფლისწყარო, ფიროსმანის №18, 0 356 22 22-85; 598 72-18-72 (დირექტორი) 593 275-275 (რედაქტორი)

რეგისტრირებულია დედოფლისწყაროს რაიონის სასამართლოს მიერ, № 6014-468.
გაზეთის გამოწერა წელიწადში – 20 ლარი

C M Y K